

Script of Morning Gojri News Bulletin 27 August 2024 at 1015Hrs

مارننگ گو جری نیوز بلیٹن مورخہ 27 اگست 2024

یوہ آکا شوانی جموں بے محبوب سلطانی تیں خبر سنو۔

Nomination Date

جموں کشمیر اسمبلی انتخابات غا پہلا مرحلہ واسطے کاغذات نامزدگی غی پھرن غی اج اخیری تاریخ بے۔ پہلا مرحلہ مانہہ 6 ضلعان غی 24 اسمبلی حلقان مانہہ ستمبر 18 مانہہ ووٹینگ کر ائی جا نیگی۔ کاغذات نامزدگی واسطے داخل کرایا گیا نایان غی پڑتال پلک وے گی جد کہ امید وار 30 اگست تک اپنو نان واپس لے سکین۔ واضع رہ جے دوجا تے تیجا مرحلہ واسطے ووٹینگ 25 ستمبر تے 1 اکتوبر مانہہ کروائی جا نیگی۔ جد کہ نتائج غو اعلان 4 اکتوبر مانہہ کیو جا نیگو۔ اس ضمن مانہہ 87 عشاریہ صفر 9 لکھ ووٹر جن مانہہ 44 عشاریہ 46 لکھ مرد، 42 عشاریہ 62 لکھ خواتین شامل ہیں جن مانہہ 20 عشاریہ 71 لکھ نوجوان ووٹر تیں علا وہ 3 عشاریہ 71 لکھ پہلی بار اپنو حق رائے دہی غو استعمال کریں گا۔ یوٹی غی 90 اسمبلی حلقان مانہہ 9 درجہ فہرست قبیلان واسطے 7 درجہ فہرست ذاتان واسطے مختص کی گئی جد کہ 74 اسمبلی حلقان مانہہ جنرل ڈمرہ مانہہ شامل کیو گیو بے۔

Parties List

کانگریس جماعت نے جموں کشمیر اسمبلی انتخابات غا پہلا مرحلہ واسطے 9 امید واران غی فہرست جا ری کر دتی بے۔ اس ضمن مانہہ غلام احمد میر مانہہ ڈورو اسمبلی حلقہ تون امید وار بنایو بے جد کہ شیخ ریاض مانہہ ڈوڈہ تون میدان مانہہ اٹاریو بے۔ پر دیپ کمار بھگت مغربی ڈوڈہ تیں کانگریس غا امید وار وین گا۔ واضع رہ جے یاہ فہرست انہان نے نیشنل کانفرنس جماعت سنگ اتحاد کرن تون بعد جا ری کی بے۔ این سی تے کانگریس جماعت نے بالترتیب 51 تے 32 اسمبلی حلقان تون چناؤ مانہہ حصو لین غو فیصلو کیو بے۔ اُونگن بے جے پی نے وی 16 امید واران ور مشتمل اپنی پہلی فہرست جا ری کر دتی بے۔ جن مانہہ سعید وضاحت مانہہ اننت ناگ، گجے سنگھ رانا مانہہ شوپیان تون اپنو امید وار بنایو بے جد کہ رام بن تون راکیش ٹھاکر، بانہال تون سلیم بھٹ، مغربی ڈوڈہ تون شکتی راج پریہار مانہہ میدان مانہہ اٹاریو کیو بے۔ واضع رہ جے بی جے پی نے پہلاں 44 امید واران غی فہرست مانہہ جا ری کیو تھو جس مانہہ بعد مانہہ واپس لے لیو گیو تھو۔

PM Modi

وزیر اعظم نریندر مو دی آن آلا جموں کشمیر انتخابات مانہہ بی جے پی غی انتخابی مہم غی کیا دت کریں گا۔ اس تیں علا وہ مرکزی وزیر داخلہ امت شاہ، وزیر دفاع راجناتھ سنگھ، بی جے پی غا قومی صدر جے پی نڈا تے اتر پردیش غا وزیر اعلیٰ یوگی ادیتیا مانہہ وی چناؤ کمیشن مانہہ سونپی گئی بے، تے 40 مہم کاران غی فہرست مانہہ شامل کیو گیو بے۔ جہیڑا کہ آن آلا اسمبلی انتخابات غی مہم مانہہ حصو لین گا۔ واضع رہ جے سال 2019 تون بعد جد سابقہ ریاست مانہہ دو مرکزی زیر انتظام علاقان مانہہ تقسیم کیو گیو تھو تون بعد پہلی بار اس طرح غو جمہوری نظام شروع ہو جا رہیو بے۔

Ramban Election

اسمبلی حلقہ 54 رام بن تے 55 بانہال غا نگران ہمانشو کمار رائے نے پولیس نگران کونال اگروال سنگ پچھلے تہاڑے ضلع رام بن مانہہ آزادانہ، منصفانہ تے شفاف عام قانون ساز اسمبلی انتخابات 2024 غا انعقاد واسطے ضلع انتظامیہ غی تیاریاں غو جائزو لیو۔ اس دوران ضلع چناؤ افسر رام بن بصیر الحق چودھری نے پولینگ اسٹیشن غا قیام تے انتظام، نقل و حمل غو منصوبو، عملہ غی تربیت تے دیگر چیزاں با رے تفصیلی جانکاری فراہم کی۔ اس موقعہ و ر نگرانان غی طرفوں ضلع مانہہ انتخابی تیاریاں ناہہ مزید بدھان واسطے کم کرن آلی ٹیم سنگ قریبی رابطو رکھن غی اہمیت ور زور پایو۔

Poonch Election

آن آلا اسمبلی انتخابات توں پہلاں الیکٹرانک ووٹینگ مشین ای وی ایم ناہہ منی سیکریٹریٹ پو نچھ توں سرنکوٹ، مینڈھر تے حویلی اسمبلی غلقاں مانہہ محفوظ طریقہ سنگ پجاتو گیو ہے۔ اس عمل ناہہ حفاظت غا کڑا بندوبست اندر ریٹرننگ افسر تے بکھ بکھ سیا سی جماعتاں غا نمائندگان غی موجو دگی مانہہ کیو گیو، تا نجے تمام تر پروٹوکول ناہہ یقینی بنايو جا سکے۔ تاہم انہاں ای وی ایم ناہہ ہون سی سی ٹی وی کیمرہ غی نگرانی اندر محفوظ جگہ ور سخت حفاظتی نظام غی نگرانی مانہہ رکھیو گیو ہے۔ واضح رہے جے ان اسمبلی حلقاں مانہہ دوجا مرحلہ غے تحت 25 ستمبر ناہہ ووٹینگ کرانی جا نیگی، جدکہ 4 اکتوبر 2024 ناہہ نتائج غو اعلان کیو جا ئے گو۔

Udhampur Election

ضلع اڈھم پور مانہہ پچھلے روز سویپ پروگرام غے تحت اڈھم پور توں پتنی تاپ تک اک سپر با نیک ریلی غو انعقاد کیو گیو۔ اس ریلی غی نگرانی ضلع چناؤ افسر اڈھم پور سلونی رائے تے ضلع غا نوجوان خدمات تے کھیڈاں با رے افسر رومیش چندر مشرا کر رہیا تھا۔

اس غے نال ہی خبراں غو یوہ بلیٹن ختم ہوؤ۔